



Universitätsbibliothek Paderborn

**R. P. Richardi Arsdekin Soc. Iesu S. Theol. Professoris
Theologia Tripartita Sive Resolutiones Polemicæ,
Speculativæ, Practicæ, Controversiarum, & Quæstionum,
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter
accommodatæ ...

De Controversijs Polemicis, & Scholasticis, etiam modernis

Archdekin, Richard

Antverpiæ, 1682

§. 7. Alia Puncta doctrinæ Modernæ ad Pœnitentiam spectantia.

urn:nbn:de:hbz:466:1-40853

Pontificis Romani , quam supra in polemicis sub initium validis argumentis stabilitam invenies. Pag.47.

Doctrinam Theologicam de Sacramentis in genere , & de singulis in specie tradimus infra part. 3. tract. de Sacramentis , & saepius alibi inter Quæstiones modernas , de quibus Index consulendus , & quædam puncta de Pænitentia in §. sequenti.

§. 7.

Alia Puncta doctrinæ Modernæ ad Pænitentiam spectantia.

Certum est ex Tridentino Sess. 14. cap. 5. & can. 8. Sacramentum pænitentiae non esse Carnificinam conscientiarum , ut eam nobis heterodoxi depingunt.

Certum est ex eodem cap. 6. & can. 9. Absolutionem Sacerdotis non esse nudum ministerium , sive declarationem tantum peccati a Deo remissi , sed ipsi Absolutioni ex institutione divina inesse virtutem abolendi peccata per confessionem clavibus rite subjecta.

Quia vero quædam circumferuntur Dogmata , quæ videri possint cum mente Tridentini , & cum aliis ab Ecclesia constitutis minus convenire ; ad majorem cautelam , Missionario Apostolico ea dogmata ad puncta quædam redacta hic breviter proponemus , quamvis nonnulla colligi possint ex iis quæ alibi fusius deduximus.

Punct. 1. Necesitas dilectionis Dei.

PRIMÒ, Docent nonnulli, *Omnem actum humanum esse peccatum qui non exercetur ex amore Dei propter se dilecti.* Volunt enim in omnibus actibus amorem illum requiri ex primo decalogo præcepto, *Diliges Dominum Deum tuum in toto corde tuo: nec posse omissionem istius dilectionis ullâ ignorantia excusari, cum sit præceptum juris naturalis, à quo (ut ipsi aiunt) nulla ignorantia excusat.*

Damnavit autem Constitutione inviolabili Pius V. & Gregorius XIII. hanc Baij propositionem 38. *Omnis amor creature rationalis aut vitiosa est cupiditas quā mundus diligitur, aut laudabilis illa caritas, quā per Spiritum Sanctum in corde diffusa Deus amat.* Hanc damnatam, à priori quo modo discernes?

Quod si quis velit, in omni actione requiri amorem Dei super omnia, & perfectum: Sequitur porrò omnem prorsus actum humanum extra statum gratiae esse peccatum, quia quisquis elicit actum charitatis perfectæ hoc ipso statum gratiae adipiscitur, etiam extra Sacramentum. Quinimo difficulter ostendet ille, qui requirit amorem Dei super omnia, sc̄ non exigere amorem perfectum. Quid enim est Deum amare perfectè, quā super omnes creature diligere? Si dicas in amore perfecto requiri majorem actus intensiōnem, quāro designari, penes quem intensiōnis gradum amor Dei perfectus ab imperfecto discernatur. Hunc sanè gradum designari non posse fatentur ipsi, qui tamen per majorem actus intensiōnem, amorem Dei perfectum ab imperfecto discerni volunt, plura de hoc vide part. 3.

P. 2.

P. 2. Dolor ex metu gehennæ.

2. Ex superiori doctrina profluit hæc : *Pecat omnis qui de peccatis dolet ex metu gehennæ absque charitate : Imo etiamsi doleat ex desiderio salutis æterne. Quia hic actus non concipitur ex amore Dei, sed ex desiderio salutis propriæ.*

Doctrinam oppositam sonat Tridentini canon 8. Sessionis 6. Si quis dixerit gehennæ metum, per quem ad misericordiam Dei de peccatis dolendo configimus, vel à peccato abstinemus, peccatum esse, aut peccatores pejores facere, anathema sit, de quo latius infra part. 3. quæst. 21.

P. 3. Attritio in Sacramento.

3. In Sacramento Panitentia non sufficit Attritio, sive dolor de peccatis ex metu gehennæ, cum spe vicie, & proposito emendationis.

Sufficere autem istam Attritionem ex Tridentino Seff. 4. cap. 4. aliisque fusijs ostendo partis tertiae. q. 21. §. 2.

Quod si quis pergat ad dolorem in Sacramento requirere. Amorem Dei super omnia, qui per se absque Sacramento justificet; Unum è duobus prætendere videbitur, Aut Absolutionem Sacerdotis peccatorem Deo non reconciliare, contra Tridentum Seff. 14. cap. 14. cum id per se præstet solus amor ante absolutionem elicitus. Aut certè dilectionem Dei super omnia vim non habere per se reconciliandi peccatorem absque Sacramento: quod damnatum est in Baij articulo 32. *Charitas illa qua est plenitudo legis, non est semper conjuncta cum remissione peccatorum.*

Scopulus hic cautè vitandus , alias alterutra ex parte in doctrinam damnatam necessariò impinges. Caurè etiam examinanda sunt Missorario de absolutione pænitentis in Sacramento pænitentiae alia dogmata hic sequentia.

P.4. Satisfactione ante Absolucionem.

Non licet Sacerdoti peccatorem absoluere nisi prius satisfactionem injunctam expleverit.

Constat autem in Petro de Osma Doctore Salmanticensi damnatam esse à Sixto IV. hunc articulū : *Non peractā pænitentiā confitentes absoluhi non debent* : patet ex Bullarii tom. i. bull. 17. Et sanè si ista praxis nova servanda foret , nullo modo excusanda esset Ecclesia , quæ istum ordinem inter partes Sacramenti necessarium , per tot sæcula in hunc usque diem inverti permisisset , præsertim cum aliqui velint ordinem illum ad valorem Sacramenti necessariò pertinere.

P.5. Confessionis institutio.

2. Confessio præcipue instituta est , ut Sacerdos instituat idoneas pænitentias ac satisfactiones , quibus ante absolucionem peccati malitia deleatur.

Vide an hoc viam non sternat , ut Absolutio censeatur nudum & inane ministerium si ante illam delenda sit peccati malitia , non verò dici debeat absolutio sententia judicialis per se remissiva peccati. Talem sententiam absolucionem esse affirmat , nudum verò ministerium esse disertè negat Tridentinum *Sess. 14. cap. 6.*

P.6.

P.6. Dilatio Absolutionis.

Extra casum necessitatis, non licet Sacerdoti peccatorem absoluere, sed differenda est absolutio, nisi de illius interna conversione, sive dispositione sufficienti habeat sacerdos iudicium moraliter certum, absque omni prudenti formidine.

Adverte quo vinculo hæc doctrina constringat manus Sacerdotis, & deprehendes vix illi relinquiri potestatem absoluendi nisi in casu necessitatis: sic enim liceat argumentari. Non potest Sacerdos certior esse de conversione interna & sufficienti peccatoris, quām ipse qui confitetur: imo non nisi ex ipso pænitente potest conversio ejus interna Sacerdoti constare. Atqui ipse peccator non potest plerumque ita esse moraliter certus de sua conversione interna, ut nullus prudenti formidini locus relinquatur: aliàs quoties actu percipit absolutiōnem poterit certò & absque formidine illi constare de sua justificatione, quod est contra communem sensum & sententiam. Ergo vix dabitur casus quo extra necessitatem sacerdos possit peccatori absolutionem impertiri, si vera sit ferrea lex, quam dogma hoc recens natum tam Sacerdoti, quam pænitenti imponit. Contra verò doctrina communis tradit, de interna pænitentis conversione certitudinem non requiri, sed sufficere prudens iudicium, sive rationi non levi innixum, etsi relinquatur etiam aliqua prudens formido de sufficienti illius dispositione.

T 5

P.7.

P.7. *Confuetudo peccandi.*

Nisi adsint signa conversionis omnino extraordinaria, & nisi absit casus necessitatis, differenda est absolutio peccatori habenti consuetudinem peccandi, qui ante absolutionem notabili tempore vitam non immutaverit, et si cum lachrymis promittat vitare occasiones peccandi, & paratum se prebeat ut adhibeat remedia à Confessario prescribenda.

Certum est, doctrinam hanc adversari communis praxi Ecclesiae, prout ea colligitur ex Authoribus classicis & maximè probatis; nullam hi admittunt legem universalem differendi absolutionem peccatori laboranti consuetudine peccandi, si tales ostendat dispositionem, qualem jam descripsi. Minimè igitur tutum videtur auscultare paucorum sensui cum tanta Sacramenti, & pénitentis injuria Sacramenti quidem, quia praxis illa paulatim à Confessionis usu plurimos deterret, qui experti fuissent se cum singulu ac lachrymis absolutionis beneficium frustra implorassem. Accedit injuria pénitenti irroganda, si repellatur ab auxiliis quae virtute Sacramenti conferuntur, ut consuetudini pravae potentius resistat: & præpostere adigatur ne medicinam percipiat, nisi prius morbum curaverit. Quantum possit hæc praxis incommodi procreare Missionario, dum plura loca unus, & raro perlustrat, satis edocet assiduus usus & experientia.

P.8. *Timor relapsus.*

Illicitum est absoluere peccatorem, quamvis de sufficienti illius dolore Sacerdos sit moraliter certus, si adsit probabilis timor de relapsu.

Si

Si vera esset hæc doctrina , nunquam licet sacerdoti absoluere peccatorem qui peccandi consuetudinem actu non depositus , nisi forte in mortis articulo . Atqui hoc esse contra receptam in Ecclesia praxim , & consensum Doctorum , ignorare nemo potest , nisi qui in Theologorum placitis cupit esse peregrinus . Probatur autem antecedens ; Quia quamdiu non est deposita consuetudo ad peccatum inclinans , potest subesse probabilis metus de relapsu in priora peccata , ac proinde si his authoribus credimus , pænitens consuetudine præviâ nondum actu depositâ nunquam erit absoluendus . Quid ergo si aliquis ad plures annos cum inveterata consuetudine depugnet nondum ex integro victor ? Erit etiam illi pluribus annis de absolutionis beneficio desperandum ; quod dici nequit .

P. 9. Emendatio pro tempore notabili .

Invalida quoque est absolutio peccatoris qui nondum exuit consuetudinem peccandi , & de quo est probabilis timor ne relabatur , sed debet absolutio differri donec peccator notabili tempore vitam emendaverit .

Ex hac doctrina sequi videtur idem incommodum quod ex superiori . Sequitur insuper invalidas esse confessiones durante consuetudine peractas , & plerumque tanquam sacrilegas necessariò repetendas , nec id dissimulant istius dogmatis authores . Per hoc autem induci videatur novum præceptum à præxi fidelium , & à mente Tridentini alienum Sess . 14 . cap . 4 . ubi ad Valorem Sacramenti tantum requirit , Animis dolorem ac detestationem de peccato commisso , cum proposito non peccandi de cetero ,

nec addit , debere vitam esse emendatam nota-
bili tempore , aut ex vi propositi certo constare
pænitentem non relapsurum.

P. 10. *Observatio Remediorum.*

Pro irrita etiam habenda est absolutio Sacerdotis , quando pænitens postea non observavit ea quæ ad re-
medium à Sacerdote absoluente prescripta fuere.

Supponit hæc doctrina absolutionem illam
esse irritam , eo quod pænitens dum absolu-
etur , non habuerit propositum efficax vitandi
peccata de cætero. Supponit autem defuisse ta-
le propositum , quia non est secuta observatio
mediorum ad abstinentium deinceps à peccatis.
Quia , inquiunt , si pænitens efficaciter inten-
disset finem , intendisset pariter media : atqui
non est secuta observatio mediorum , sive re-
mediorum ad vitanda peccata ; ergo defuit illi
propositum efficax deinceps abstinenti à pecca-
tis , quod requiritur ad valorem Sacramenti.

Error illius argumentationis in eo potissimum
versatur , quod supponat dispositionem praesen-
tem esse inefficacem & insufficientem , si non
duret eadem dispositio pro tempore futuro , &
non inferat applicationem mediorum. Ac si pri-
ma dispositio et si optima , non esset mutationi
obnoxia , nec possit variis modis , & illecebris
debilitata paulatim deficere. Cavendum insu-
per est ne hac viâ pedetentim accedatur ad do-
ctrinam in Tridentino damnatam *Seff. 6. cap. 25.*
Ubi anathema intorquet , si quis dicat , eum
qui labitur , & peccat , nunquam verè fuisse
justificatum.

P. 11.

P. 11. Dilatio pro quovis mortali.

Differenda est absolutio etiam cuivis peccatori cul-
pam lethalem confessio, donec notabili tempore vi-
tam emendaverit : nisi absolutionem efflagiter justa
necessitas, vel adsint signa conversionis omnino extraor-
dinaria.

Peccat hæc praxis in eo , quod requirat ante
absolutionem à quovis etiam peccato graviori
præmitti notabili tempore emendationem ac
satisfactionem. Ac si non possit homo , gratiâ
Dei & libero arbitrio instructus, vel subito, vel
brevi saltem tempore ad meliorem frugum se
convertere. Cùm supponendum sit, peccatorem
sufficientis gratiæ adjutorio non destitui.

P. 12. Absolutio , & confessio Venialium.

CAvenda quoque sunt hæc nova quorundam dogma-
ta. 1. Improbanda est frequens Absolutio à pecca-
tis venialibus, qualis in monasteriis est usitata. 2. Apud
Christianos primitiva Ecclesiæ non erat usus confitendi
venialia.

Opponitur generatim utrique propositioni
doctrina Tridentini Sess. 14. Cap. 5. Peccata (in-
quit) venialia rectè , & utiliter , & citra omnem
præsumptionem in confessione dicuntur , quod
Piorum hominum usus demonstrat. Agnoscit
Concilium illum esse usum piorum hominum ,
eumque esse rectum & utilem. Infero primò ,
Ergo rectè tam in monasteriis, quam à piis pas-
sim hominibus praxis illa usurpatur. Et ne dicas
posse quidem fideles ea peccata utiliter confite-
ri, non tantum absolvi, & expiri, contrarium
ibidem innuit Tridentinum, dum subdit, eadem
multis

multis aliis modis expiari. Infero secundò , Ergo Confessio venialium apud fideles pios, ac probos fuit in usu in primitiva Ecclesia. Hoc si neges, infero ulterius : Ergo in primitiva Ecclesia ab Apostolis edocta, peccata venialia non erant materia idonea Sacramenti pænitentiarum, alias Christiani in primæva Ecclesia pīj ac feruentes illa confiteri non prætermisissent: esse autem venialia materiam Sacramenti, nemo ut arbitror orthodoxus inficiabitur.

Ut hæc periculosa dogmata Apostolicæ doctrinæ amatores aversentur , non parum conducterit digitum intendere in fontem minimè sincerum ex quo hi perniciosi rivuli in aliorum libellis profluxerunt. Delibo pauca ex Litteris Abbatis Sancyrani part. 1. let. 32. Confessio (inquit) peccatorum venialium non fuit in usu ordinario per Ecclesiam nisi valde serò ad expiationem ipsorum : quia spatio mille annorum & amplius justi, qui ea committebant , fatis habebant ut plurimum eligere suā sponte quasdam pænitentias leves, priusquam assisterent Sancto Missæ sacrificio.

Hic ille est Sancyranus proprio nomine Johannes Vergerius, qui inter alia novæ doctrinæ capita , statuit æqualitatem omnimodam inter S. Petrum & S. Paulum absque subordinatione in potestate suprema , & regimine universalis Ecclesiae. Hanc autem doctrinam, nec non quolibet libros illam continentes , ab Innocentio X. constat esse authoritate Apostolicâ profligatam, & omni censura dignissimam.

Exemplar